

識

惠康野叟撰

餘

第六冊

進步書
局校印

沈存中云。近世精於歷者。莫若衛朴。雖一行亦不及之。春秋日食三十六。諸歷通驗。密者。不過得二十六。惟一行得二十七。朴乃得二十五。朴能不用算推古今日月食。但口誦乘除。不差一算。凡古歷算數。令人就耳一讀。即能暗誦。旁通縱橫誦之。嘗令人寫歷書訖。令附耳讀之。有差一算者。讀至其處。則曰此誤某字。其精如此。大乘除皆不下照位運籌如飛。人眼不能逐。人有故移其一算者。朴自上至下。手循一遍。至則撥正而去。移算處。熙寧中。撰奉元歷。以無候簿。未能盡其術。自言得其六七而已。然已密於他歷矣。至姚虞孫乃出新意。用藝祖受命之年。即位之日起元。用庚辰日起己卯號紀元歷。於是立朔既差。定臘亦舛。日食亦皆不驗。未幾遂更焉。宣和間。妄人方士魏漢津。倡為黃帝夏禹以聲為律。身為度之說。不以景泰而用帝指。凡中指之中寸三。次指之中寸三。小指之中寸亦三。合而為九。為黃中律。又以中指之經圓為容。威則度量權衡。皆自此出焉。或難之曰。上春秋富乎指。後或不同。奈何復為之說。曰。請獨之歲。上適年二十四。得三百之數。是為太簇。人統過是。則寸有餘。不可用矣。其敢於欺誕也如此。然終於不可用而止。此事前所未有。於理亦不可証。小人欺罔。取媚而世主大臣。方甘心受侮而不悟。可發識者一笑也。

耿聽聲者。兼能嗅衣服物。以知吉凶貴賤。德壽聞其名。取宮人扇百柄。雜以上及中宮所御。令小黃門持扣之。耿嗅至后扇云。此聖人也。然有陰氣。至上扇。乃呼萬歲。上奇之。呼入北宮。又取妃嬪珠冠十數示之。至一冠。奏曰。此有刀氣。時張貴妃已薨。此其故物也。後居候潮門內。夏震微時。常為殿嚴饋酒於耿。耿聞其聲。知其必貴。遂以其女妻其子。子復妻其女。時郭棟為殿帥。耿謁之曰。君部中有三節度使。他日皆為三衙。扣為何人。則曰周虎。彭輅。夏震也。虎輅時皆為將官。獨震方為帳前佩印官。郭曰。周彭地步。或未可知。震安得遽爾乎。耿曰。吾所見如此。可必也。耿因與三人給為義兄弟。一日耿謂虎曰。吾數夜聞軍中金鼓有殺聲。兵將動。君三人皆當此而顯矣。未幾。開禧出師。虎守和州。輅為金州統戎。皆以功受賞。震則以誅韓玘。相繼薨。殿嚴虎亦叅馬跡。皆立節度使。班悉如其言。

王黼盛時。庫中黃雀鮓。自地積至棟。凡滿三樞。蔡京對客。令點檢蜂兒。見在數目。得三十七秤。童貫既敗。籍其家。得劑成理中丸幾千斤。傳記載之。以為談柄。近者官籍賈師憲第。果子。褲。糖。霜。凡數百甕。官吏以為不可久留。難載帳冊。遂輦棄湖中。軍卒輦或乘時竊出。則他物稱是可想矣。胡椒八百斛。領軍鞵一屋。不足多也。

壽和謝太后方選進時。史衛王夜夢謝魯王深甫。衣金紫求見。致禱再三。以孫女為託。及明。則謝后至。是歲天台山郡元夕。有鵲巢燈山間。眾頗驚異。識者以在巢乃后妃之祥。是歲謝果正中宮之位。咸淳間。福邸源堂初成。有鵲巢於前廡。賓客交慶。至有形之歌詩者。殊不知野鳥入室。不祥莫甚。安得與前事為比云。

徐謂禮嘗涉獵袁李之書。自詭聞人貴賤多奇中。與賈師憲丞相為姻聯。賈時年少荒於飲博。其生母胡夫人苦之。因扣徐云。兒子跌宕若此。以君相法言之。何如。徐因曰。夫人勿多憂。異日必可作小郎太守。母喜誦其言於子。他日賈居相位。徐以親識故求進。久之不遂。賈母為言之。賈不獲已。答曰。徐親骨相寒薄。止可作小郎太守耳。遂以上饒郡與之以終其身。蓋深銜前言也。然師憲少年日嘗馳馬出游湖山。小憩樓霞嶺下。忽有布裘道者。瞪視曰。官人可自愛重。將來不在韓魏下。賈意其見侮。不顧而去。既而醉博平康。至於敗面。他日復遇道者。頓足驚歎曰。可惜可惜。天堂已破。必不能令終矣。其後悉驗。

癸酉歲慶元秋試。兩浙運司幹官臨川龔孟銓為考官。龔道出慈溪。忽夢有人以杯酒飲之。且作四字於掌中。晚起。便目視瞋瞋。及入院發策。第一道中誤以一祖十

三宗為十四宗。於是士子大闕。徑排試官房舍。悉遭筆辱。至有負笈而逃者。龔偶得一兵負去。而免。劉制使良貴親至院外撫諭。遂權宜以策題第二道為首篇。續撰其三。久之始定。於是好事者作隔聯云。龔運幹出題疎脫。以十三宗作十四宗。劉制使下調。停用第二道為第一道。龔後為許使所劾。明年秋度宗賓。於是十四宗之語遂驗。

楊州后土祠瓊花。天下無二本。絕類聚八仙。色微黃而有香。仁宗慶歷間。嘗分植禁苑。明年輒枯。遂復載還祠中。數榮如故。淳熙中。壽皇亦嘗移植南內。逾年憔悴無花。仍送還之。其後官者陳涼。命國丁取孫枝移接聚八仙根上。遂活。然其香色則大減矣。杭之褚家塘瓊花園是也。今后土之花已薪。而人間所有者。特當時接本。髣髴似之耳。嘉熙間。近屬有宰宜興者。縣齋之前紅梅一樹。極舊麗華。聚交陰半畝。花時命客飲其下。一酒散。月明獨步。花影忽見紅裳女子。輕妙綽約。瞥然過前。躡之數十步而隱。自此恍然若有所遇。或酣歌寤言。或痴坐竟日。其家憂之。有老年頗知其事。乘間白曰。昔聞每知縣之女。有殊色。及笄未適而死。其家遠在湖湘。因藁葬於此樹梅以識之。疇昔之夜。所見者豈此乎。遂命發之。其棺正蟠絡老梅根下。兩槨微蝕。一窾如錢。若蛇鼠出入。者啓而視之。顏貌如生。雖粧飾衣衾。略不少損。真國色也。趙見為之涸。

然心醉。昇尸至密室。加以茵藉。而四體亦和柔。非尋常僵尸之比。於是每夕與之接焉。既而氣息惛然。疲薊不可治。文書其家。乃乘間穴壁取焚之。今遂屬疾而殂。亦云異矣。嘗見小說中所載寺僧盜婦人屍置夾壁中。私之後其家知狀。訟於官。每疑無此理。今此乃得之親舊目擊。始知其說不妄。然通鑑所載赤眉發呂后陵。汙辱其尸有致死。者。蓋自昔固有此異矣。

近世江西有善醫。號嚴三點者。以三指間知六脉之受病。人以為奇。以此得名。余按診脉之法。必均調自己之息。而後可以候他人之息。凡四十五動為一息。或過或不。及皆為病脉。故有二敗三遲四早六數七極八脫九死之法。然則察脉固不可以倉卒得之。而况三點指之間哉。此余未敢以為然者。或謂其別有觀形察色之行。姑假此以神其術。初不在脉也。紹興間。王繼先號王醫師。馳名一時。繼而得罪。押往福州居住。族叔祖宮教時赴富沙。倅素識其人。適邂逅旅舍。小酌以慰勞之。因求察脉。王忽愀然曰。某受知既久。不敢不告。脉證頗異。所謂脉病人不病者。其應當在十日之內。宜急反輒輟。尚可及也。因泣以別。時宮教康強無疾。疑其為妄。然素信其術。於是即日回輶。僅至家數日而殂。亦可謂異矣。又嘗聞陳體仁端明云。紹熙間。有醫邢氏精

藝絕異。時韓平原知閤門事。將出使。俾之診脉。曰。脉和平。無可言。所可憂者。夫人耳。知閤回。輒曰。恐未必可相見也。韓妻本無疾。恠其妄談不倫。然私憂之。洎出疆。甫數月。而其妻果殂。又朱丞相勝。非子婦偶小疾。命視之。邢曰。小疾耳。不藥亦愈。然自是不宜孕。孕必死。其家以為狂誕。後一歲。朱婦得男。其家方有抱孫之喜。未彌月而婦疾作。急召之。堅不肯來。曰。去歲已嘗言之。勢無可療之理。越宿而婦果殂。余謂古今名醫多矣。未有察夫脉而知妻死。未孕而知產亡者。嗚呼。神矣哉。

嘉泰間。文莊章公以右史直禁林。時宇文紹節。挺臣為司諫。指公為謝深甫子肅丞。相之黨。出知溫陵。既而公入為言官。遍歷三院。為中執法。時挺臣以京湖宣撫使知江陵府。入覲。除端明學士。徑隲宥府。而挺臣懷前日之疑。次日不敢拜。文莊識其意。乃抗疏言。公論出一時之見。豈敢以報私憾。乞趣紹節就職。未幾。公亦登政地。相得甚驩。一日宴。娶。公出所藏玉杯。侑酒。色如截肪。真于闐產也。坐客皆誇賞之。挺臣忽傍睨微笑曰。異哉。先肅愍公虛中使金日。嘗於燕山獲玉盤。徑七寸餘。瑩潔無纖瑕。或以為宣和殿故物。平日未嘗示人。今觀此色澤。殊近似之。於是坐客咸欲快觀。趣使取之。既至。則玉色製作無毫髮異。真合璧也。蓋元為一物。中分為二耳。客驚詫以

為干鄧之合。不足多也。公因舉杯以贈挺臣。而挺臣復欲以盤奉公。相與遜讓者久之不決。時李璧季章在坐。起曰。以盤足杯者。於事為順。食書不得辭也。公遂謝而藏之。以他物為報。余嘗侍二親。嘗於元發舅氏膝下聞此事。惜不一見之。其後聞為有力者負之而去。莫知所終。

賈師憲柄國日。嘗夢金紫人相逢迎。傍一客謂之曰。此人姓鄭。是能制公之死命。時大璫鄭師望方用事。意疑其入。且姓與夢合。於是竟以他故擯逐之。及魯港失律。逮謫南荒。就紹興。差官押送。則本州推官沈士珪攝山陰尉鄭虎臣鄭武弁。嘗為賈所惡。適有是役。遂甘心焉。賈臨行置酒招二人。歷言前夢。且祈哀微芘云。向在維揚日。裏鄧間有人善相。一日來值其跣足卧。因歎惜再三。私謂客曰。相公極人臣而足心內陷。是名猴形。恐異時不免有萬里行耳。是知今日竄逐之事。雖滿盈招咎。蓋亦有數存焉。及抵清漳之次日。泣謂押行官曰。某夜來得夢大不祥。離此地必死無疑。幸保全之。遂留連三日。逗遛不行。而官吏迫催之。離城方五里許。小泊木綿庵。竟以疾殂。或謂虎臣有力焉。先是林僉樞存孺。久為賈所擯。謫之南州。道死於漳。漳有富民蓄油杉甚佳。林氏子弟欲求而償。穹不可得。因撫其木曰。收取收取。留與賈丞相自

用蓋一時憤悵之語耳。至是郡守與之經營之。竟得此物以歛。可謂異矣。死生禍福皆有定數。不可幸免也。如此。此事親聞之。沈士珪云。

邵康節曰。世有溫泉無寒火。昭德晁氏解曰。陰能順陽而陽不能順陰也。水為火變。則沸而熱物。火為水沃則滅矣。晉紀瞻舉秀才。陸機之策曰。陰陽不調。則大數不得不否。一氣偏廢。則萬物不能獨成。今有溫泉而無寒火。然今溫泉往往有之。如驪山尉氏駱谷汝水黃山佛迹匡廬閬中等處。皆表表在人耳目。坡詩云。自憐耳目隘。未測陰陽故。鬱攸火山烈。威沸湯浪注。安能長魚鱉。僅可尋狐兔。晦菴詩云。誰然丹黃煥。爰此玉池水。蓋或謂溫泉之下。必有硫黃礬石故耳。獨未見所謂寒火。按西京雜記。載董仲舒曰。水極陰而有溫泉。火至陽而有涼燄。又抱朴云。水性純冷而有溫谷之湯。泉。火體宜燄而有蕭丘之寒燄。又劉子從化篇曰。水性宜冷而有華陽溫泉。猶曰泉冷。冷者多也。火性宜熱而有蕭丘寒燄。猶曰火熱。熱者多也。然則火寒亦有之矣。特以耳目所未及。故以為無耳。海水以杖擊之。火星勃然。腐草化為螢光。可照物。非寒火乎。林復字端陽。括蒼人。學問材具皆有過人者。持險隘忍酷略不容物。紹熙中。為臨安推官。有告監文思院既常良孫賦墨事。朝廷下之臨安獄。久不得其情。上意謂京尹。

左右之尹不自安。復乃挺身白尹。乞任其事。訖就煅煉成罪。常流海外。因遇客舶以往。中途遇盜。無以應其求。盜取常手足釘著兩舷。舢舨開。分其屍為二焉。林竟以勞改官。不數年為郎。出知惠州。時常有姻家當得郡。憤其冤。欲報之。遂力請繼其後。林弗知也。既至惠。適有訴林在郎日。以酖殺人。具有其實。庾使徐安國亦按其家有僭擬等物。於是有旨。令大理丞陳樸追逮。隨所至置獄鞠問。及至潮陽。遇諸道間。搜其行李。得朱椅黃帷等物。蓋林好祠醮所用者。乃就鞠於僧寺中。林知必不免。願見一家人訣別。既入室。亟探囊中藥投酒中飲之。有頃流血滿地。家人號泣。使者入視。則仰藥死矣。因以其死復命。然其所服乃草烏末。及他一草藥耳。至三日乃甦。即亡命入廣。其家以空柩歸葬。始就逮時。僮僕鳥獸散。行囊旁午道中。大姓潘氏者。為收斂歸之。了無所失。其家與之音問相聞者累年。至嘉定末。始絕。竟佚其罰云。此陳造周士所紀得之括醫吳嗣英甚詳。夷堅所志亦為所罔。以為真死。殊可笑也。

江聖錫應辰。端明本玉山縣弓手子。喻樗子材為授諸子學。有兵在側言。某兒頗知讀書。可使侍筆硯。呼視之。狀貌偉然。不類常兒。問能屬對否。曰能。曰馬蹄踏破青青草。應聲曰龍爪拏開白白雲。喻大驚曰。他日必為偉器。留授之學。且許妻以子。後

從張橫浦游學益進。十八年魁天下。天資強敏。記問絕人。其師福州吏聞其名。欲嘗之。始謁廟有樞持牒立道左。命視之。累千百言。皆枝贅不根。即好諭曰。事不可行也。樞呼曰。乞詳狀。公笑曰。爾謂吾不詳耶。駐車還其牒。誦之。不差一字。吏民以為神。相戒不敢犯。

真文忠公。建寧府浦城縣人。起自白屋。先是有道人於山間結菴。煉丹將成。忽一日入定。語童子曰。我去後。或十日五日即還。謹勿輕動我屋子。後數日。忽有扣門者。童子語以師出未還。其人曰。我知汝師死久矣。今已為冥司所錄。不可歸。留之無益。徒臭腐耳。童子付不悟。為魔遂舉而焚之。道者旋歸。已無及。繞菴呼號云。我在何處。如此月餘不絕聲。鄉落為之不安。適有老僧聞其說。厲聲答之曰。你說尋我。你却是誰。於是其聲乃絕。時真母方娠。忽見道者入室。遂產西山。幼穎悟。絕人家貧。無從得書。往往假之他人。及剝學里儒為舉子業。未幾登第。初任為延平郡掾。時倪文節喜獎借後進。且知其才。意欲以詞科衣鉢傳之。每假以私淑之文。輒一二日即歸。若手未觸者。文節殊不平。曰。老夫固不學。然賢者亦何所見。遽不觀耶。西山悚然對曰。先生善誘。後學何敢自棄。其書皆嘗竊觀。持不敢久留耳。文節謾扣一二。皆能成誦。文節

始大驚喜於是與之廷譽於朝而繼中詞科遂為世儒宗焉

建康涿陽市民同日殺人皆繫獄具以囚上府亦同日就道二囚時相與言監者不虞也夕宿邸舍甲謂乙曰吾二人事已至此死固其分顧事適同日計亦有可為者我有老母貧不能自活君到府第稱寃悉以諉我我當兼任之等死耳幸而脫君家素溫為我養母終其身則吾死為不徒死矣乙欣然許之時定張吏以尚書知府事號稱嚴明囚既至皆呼使前問之及乙則曰某實不殺人殺人某者亦甲也張駭異使覓其說曰甲已殺某人即逸去其家不知為甲所殺也平日與某有隙遂以聞於官已而甲又殺某人乃就捕某非不自明官聞而吏賕故寃不得直也張以問甲甲對如乙言立破械縱之一縣大驚甲既論死官吏皆坐失入抵罪而張終不悟甚哉獄之難明也淳熙中孝宗及皇太子朝上皇於德壽宮置酒賦詩為樂從臣皆和周益公詩云一丁扶大德三合鞏皇基蓋高宗生於大觀丁亥孝宗生於建炎丁未光宗生於紹興丁卯故也陰陽家以亥卯未為三合一時用事可謂切當其後楊誠齋為光宗宮僚時寧宗之在平陽邸其賀壽詩云祖堯父舜真千載禹子湯孫更一家又云天意分明昌火德誕辰三世總丁年蓋祖益公語也嘉熙己亥四月誕皇子告廟祝文學士

李劉功甫當筆內用四柱作一聯云亥年巳月無長蛇豐豕之虞午日丑時有歸馬放牛之意蓋時方有蜀擾其用事可謂中的然或者則謂失之俳耳

楊和王居殿巖日建第清湖洪福橋規制甚廣自居其中旁列子舍四皆極宏麗落成之日從外人遊觀一僧善相宅云此龜形也得水則吉失水則凶時和王方被殊眷從容聞奏欲引湖水以環其居思陵首肯曰朕無不可第恐外庭有語宜密速為之退即督濠兵數百且多募民夫夜以繼晝入自五房院出自惠利井蜿蜒縈繞凡數百杖三晝夜即竣事未幾臺臣果有疏言擅灌湖水入私第以擬宮禁者上曉之曰朕南渡之初虜人退而羣盜起遂用議者竊靡之策刻印盡封之所有者止淮浙數郡耳會請將盡平羣盜朕因自誓除土地外凡府庫金帛襍置不問故請將有餘力以給泉池園囿之費若以平盜之功言之雖盡以西湖賜之曾不為過況此役以成惟卿容之言者遂止繼而後建傑閣藏思陵御劄且揭賜風雲慶會四大字於上蓋取大龜昂首下口口湖之象以成僧說自此百餘年間無復火災人皆神之至辛巳歲其家捨開元佑聖觀識者為龜失其首疑為不祥次年五月竟燬延燎潭潭數百楹不數刻而盡蓋驗毀閣之禍云

趙邦永本姓李。李全將也。趙南仲愛其勇。納之。改姓趙氏。入洛之師。實為統軍。嘗過靈璧縣。道旁奇石林立。一峯巍然。峭崿秀潤。南仲立馬傍睨。撫玩久之。後數年家居。偶有以片石為獻者。南仲因詫諸客。以昔年符離所見者。邦永時適在旁。聞語即退。繞食頃。數百兵舁一石而來。植之庭間。儼然馬上所見也。南仲駭以為神。扣所從來。則云昔年相公注視之際。意謂愛此。隨命部下五百卒輦歸。而未敢獻。適聞所言。始敢以進。南仲為之一笑。

莆田方翥試南宮第三場。欲出納卷。有物礙其足。視之則一卷子。止有前二篇。其文亦通暢。不解何以不終卷而棄於地也。翥筆端俊甚。以其緒餘足成之。併攜出中門。投之幕中。一時不暇計其姓名。翥既中第。亦不復省問。他年義為館職。偶及試闈異事。聞及之。偶有客在坐。同年也。默不一語。翼日具冠裳造方。自敘本末。言試日疾不能支。吾扶曳而去。所謂試卷者。莫記所在。已絕望矣。一旦榜出。乃在選中。恍然疑姓名之偶同。幸未嘗與人言。亟入京物色之。良是。借真卷觀之。儼然有續成者。竟莫測所以。今日乃知出君之筆。君吾恩人也。方笑謝而已。按馮京知舉。張芸叟賦公生明。重疊用韻。已而為第四名。竊恠司主函莽。及元祐中使虜。過北門。馮為留守。始修門生

敬酒邊馮因言昔忝知舉秘監賦重疊用韻以論策佳輒為改之擢寘高等願記憶否。芸叟方飲不覺酒盃覆懷再三愧謝與此畧同。

世俗所謂王魁之事殊不經且不見於傳記雜說疑無此事異聞集雖有之然集乃唐末陳翰所編魁乃宋朝人是必後人勦入耳按嘉祐中進士奏名訖未御試京師妄傳王俊民為狀元不知言之所起亦不知俊民為何人及御試王荊公時為知制誥與楊樂道共為詳定官舊制御試舉人設初考官先定等第復彌之以送覆考再定乃付詳定發初考所等以對覆考如同即已不同則詳其程文為定時荊公以初覆所定第一人皆未允當於行間別取一人為首楊樂道以為不可議未決太常少卿朱從道時為彌封聞之謂同舍曰二公何用力爭從道十日前已聞王俊民為狀元事必前定二公徒自苦耳既而二人各以己意進稟而詔從荊公之請及發封乃王俊民也後又見虞初志所集養生必用方戒人不可妄服金虎碧霞丹乃詳載其說云狀元王俊民字康侯為應天府發解官得狂疾於貢院中嘗對一石碑呼叫不已碑石若聲之者亦若康侯之奮怒也病甚不省覺取書冊中交股刀自裁及寸左右抱持之遂免出試院未久疾勢亦已平復

陶弘景詩云。山中何所有。嶺上多白雲。則可自怡悅。不堪轉贈君。雲固非可持贈之物也。坡翁一日還自山中。見雲氣如羣馬奔突。自山中來。遂以手扳開籠。收入其中。及歸。白雲盈籠。開而放之。遂作提雲篇云。道人達南山。雲歛吸如電。使竟誰使令之。袞袞從空下。又云。或飛入吾車。偏道人財勝。搏取置笥中。提携反茅舍。開籠仍放之。掣去仍變化。然則雲真可以持贈矣。宣和中。良嶽初成。令山多造油絹囊。加水濕之。曉張於絕巖危巖之間。既而雲盡入。遂括囊收曰。貢雲。每車駕所臨。則盡縱之。須臾滃然充塞。如在千巖萬壑間。然則不特可以贈。又可以貢矣。併實一笑。

畢再遇。兗州將家也。閒藉用兵。諸將多敗事。獨再遇累有功。金虜認其旗幟。即避之。屢遣至鎮江都統制。楊州承宣使。曉衛上將軍。後以老病致仕。始居於雪。有戰馬號黑大虫。駭駟異常。獨主翁能御之。再遇既死。其家以鉄絙羈之。閤中適遇嶽祠迎神。聞金鼓聲。意為赴敵。於是長嘶奮迅。斷絙而出。其家慮傷人命。健卒十餘挽之而歸。乃好言戒之云。將軍已死。汝莫生事累我家。馬聳耳以聽。汪然出涕。啞啞長鳴。數聲而斃。嗚呼。人之受恩而忘其主。曾異類之不若。能不愧乎。

邕宜以西南丹諸蠻。皆居窮崖絕谷間。有獸名曰野婆。黃髮椎髻。跣足裸形。儼然一

媼也。上下山谷如飛。獨自腰已下有皮囊垂蓋膝。若擯鼻。力敵數壯夫。喜盜人子女。然性多疑畏。罵已盜必復至。失子家窺候之。其家知為所竊。則集鄰里大罵不絕口。往往不勝罵者之眾。則挾以還之。其羣皆雌。無匹偶。每遇男子。必負去求合。嘗為健夫設計。擄之大壘中。展轉哮吼。脛絕不可起。往往人集眾刺殺之。至死以手護腰間。不置。剖之得印方寸。瑩若蒼玉。字類符篆。不可識。非錫非鏤。蓋自然之文。然亦竟莫知其所實為何用也。周子功景定間。使大理取道於此。親見其所謂印者。此事前所未聞。是知窮荒絕徼。天奇地怪。亦何所不有。未可以見聞所未遂以為誕也。後漢郡國志引博物記曰。日南出野文。羣行不見夫。其狀晶且白。裸袒無衣。襦得非此乎。博物記當是秦漢間古書。張華字茂先。蓋取其名而為志也。

三山蘇大璋顯之。治易有聲。戊午鄉舉。夢為第十一人。數為人言之。以為必如夢告。既試將揭榜。同經人訴於郡。謂其自許之確如此。必將與試官有成約。萬一果然。乞究治之。及拆號。第十一名果易也。帥携此狀入院。徧示考官。謂設如所言。諸公將何以自解。不若以待補首卷易之眾。皆以為然。既得號。則自待補為正解者。大璋也。由正解而易為待補者。乃訴牒之人也。次年蘇遂冠南宮。此與王俊民事相類。